

CONRADH FOSTAÍOCHTA

CÚNTÓIRÍ RIACHTANAIS SPEISIALTA (Bunoideachas)

1. Páirtithe

1.1. Tá an Conradh Fostaíochta seo á dhéanamh ar an _____ lá de _____ 200
idir na páirtithe seo a leanas:

1.1.1. Fostóir: Bord Bainistíochta _____ (as seo amach
“an Bord”).

Seoladh:

1.1.2. Fostaí: _____

2. Coinníollacha Seirbhíse

2.1. Is post lánaimseartha/páirtaimseartha atá ann agus, faoi réir na gclásál atá luaite thíos, tosóidh d'fhostaíocht ar an (dáta) _____ agus leanfar léi amach anseo mura gcuirtear nó go dtí go gcuirfead deireadh léi mar atá foráil déanta anseo ina dhiaidh seo.

2.2. Beidh tú ar promhadh go ceann sé mhí le héifeacht ón _____. Ag deireadh na tréimhse sin féadfar do cheapachán a dheimniú, do thréimhse promhaidh a shíniú ar feadh tréimhse breise nach mbeidh thar dhá mhí dhéag nó féadfar deireadh a chur le d'fhostaíocht de réir mar a chinnfidh an Bord Bainistíochta. Sa chás nach raibh d'fheidhmíocht sásúil le linn na tréimhse promhaidh nó na tréimhse promhaidh sínte, is féidir deireadh a chur le d'fhostaíocht ach fógra seachtaine a thabhairt.

2.3. Beidh an scála tuarastail don phost i gcomhréir leis an scála tuarastail atá infheidhmithe do na SNAnna mar a chinnfidh an Roinn Oideachais agus Eolaíochta ó am go ham. Bronnfar incrimintí tar éis gach bliain de sheirbhís shásúil i bpost ceadaithe mar Chúntóir Ríachtanas Speisialta i scoil aitheanta.

2.4. Íocfar tuarastal gach coicís mar riaráistí.

2.5. Beidh ort na gnáth uaire ranga a oibriú, lena n-áirítear tréimhsí briseadh ranga agus caithfidh tú freastal roimh an scoil agus ina diaidh chun cuidiú le seomraí ranga a ullmhú agus a chóiriú, agus chun bualadh le páistí agus iad a scaoileadh abhaile etc. Is ón [] go dtí [] gach lá de ghnáth le linn téarmaí a bheidh na huairé oibre. Beidh gnáth theidlíochtaí do bhriseadh oibre i bhfeidhm de réir fhorálacha an Achta um Eagrú Ama Oibre 1997. Is é/í an Príomhoide a shocróidh cén t-am a mbeidh na brisí sin ann.

- 2.6. Is é áitreabh na scoile a bheidh mar láthair oibre go hiondúil. Mar sin féin,
- 2.7. B'fhéidir go mbeadh ócáidí ann nuair a bheadh gá ag páistí a bhfuil riachtanais speisialta acu freastal ar ionad eile lasmuigh den scoil, agus i gcásanna mar sin, b'fhéidir go gcaithfeá dul in éineacht leo chuig ionad mar sin agus ar ais.
- 2.8. Rúndacht. Táthar ag súil go gcoinneoidh tú agus go gcaithfidh tú le gach ábhar a bhaineann le gnó na scoile agus le do chuid oibre sa scoil mar CRS, faoi rún. Má sháraítear an riachtanas seo ar aon bhealach breathnófar air mar ábhar tromchúiseach mí-iompair.
- 2.9. Beidh an cineál oibre a chaithfidh tú a dhéanamh faoi threoir an Phríomhoide nó duine sinsearaigh a bheadh ag gníomhú thar ceann an fhostóra mar atá leagtha amach in Aguisín 1 atá faoi iamh leis seo.
- 2.10. Beidh na forálacha saoire breoiteachta a bhaineann leis an bpost mar atá siad leagtha amach in Aguisín a 2 atá faoi iamh anseo.
- 2.11. Tá na socruithe saoire máithreachas a bhaineann leis an bpost mar atá siad leagtha amach in Aguisín a 3 atá faoi iamh anseo.

Tá sé do riachtanas ort cloí le téarmaí Ciorclán a eisíonn an Roinn Oideachais agus Eolaíochta ó am go ham i ndáil le Cúntóirí Riachtanas Speisialta.

- 2.12. Beidh socruithe pinsin de réir rialacha agus rialachán na Roinne Oideachais agus Eolaíochta i ndáil le pinsin do Chúntóirí Riachtanas Speisialta mar a chinnfear ó am go ham. Beidh téarmaí an Achta um Aoisliúntas na Seirbhíse Poiblí (Forálacha Ilghnéitheacha) 2004 i bhfeidhm maidir le haois scoir.
- 2.13. Go hiondúil beidh na tréimhsí saoire mar a bhíonn sna scoileanna ar a mbeidh na Cúntóirí Riachtanas Speisialta sannta. Sa bhreis air sin caithfidh tú a bheith ar fáil cupla lá ag tús agus ag deireadh gach téarma scoile. Is féidir na laethanta sin (12 ina n-iomláine) a chur le chéile de rogha bhainistíocht na scoile le húsáid go solúbtha i rith na bliana i gcomhair oibre a bheadh oiriúnach don ghrád, lena n-áirítear oiliúint. Ní bheidh thar chúig lá as a chéile sna laethanta sin agus leanfaidh siad nó tiocfaidh siad díreach roimh théarmaí scoile nó laistigh de chúpla lá de sin.

3. Nósanna Imeachta Gearáin agus Disciplíne

3.1. Nós Imeachta Gearáin

Beidh tú i dteideal nósanna imeachta gearáin a agairt mar a bhíonn comhaontaithe i gcomhar ó am go ham.

Nós Imeachta Disciplíne

Beidh sé do chumhacht ag d'fhostóir do cheapachán a chur ar fionraí, smachtbhannaí disciplíne a chur i bhfeidhm nó do cheapachán a fhoirceannadh de réir na nósanna imeachta disciplíne/dífhostaithe a chomhaontaítear i gcomhar ó am go ham.

Is féidir tú a dhífhostú ó scoil _____ de bharr na rudaí seo a leanas:

- 3.1.1.1. Neamhinniúlacht nó feidhmíocht lag;
- 3.1.1.2. Mí-iompar (tromchúiseach nó dianseasmhach);
- 3.1.1.3. Éagumas;
- 3.1.1.4. Mainneachtain maidir le treoracha réasúnacha a leanúint;
- 3.1.1.5. Iontaobhas a shárú; agus
- 3.1.1.6. Aon údar substaintiúil eile.

4. Fógra Foirceannaidh

- 4.1. Gheobhaidh tú fógra den tréimhse chúig atá leagtha síos sna hAchtanna um Fhógra Íosta agus Téarmaí Fostaíochta 1973 -1991 ach amháin i gcúinsí a mbeidh údar maith ag an mBord do chuid fostaíochta a fhoirceannadh láithreach. Is féidir do chuid fostaíochta a fhoirceannadh trí iomarcaíocht. Sna cúinsí sin beidh feidhm le haon chomhaontas coiteann maidir le iomarcaíocht.
- 4.2. Is féidir do chuid fostaíochta a fhoirceannadh gan aon fhógra mar gheall ar mhí-iompar tromchúiseach.
- 4.3. Má bhíonn tú ag foirceannadh do chuid fostaíochta féin caithfidh tú fógra ceithre seachtainí a thabhairt.
- 4.4. Ní chuirfidh aon rud sa chomhaontú seo chosc ar cheachtar den dá páirtí fógra níos lú a thabhairt má bhíonn sin comhaontaithe ag an dá thaobh.
- 4.5. De réir mar a tholeann an Bord is féidir tuarastal a íoc in áit fógra a thabhairt.

5. Comhaontú

- 5.1. Glacaim agus comhaontaím leis na téarmaí agus na coinníollacha uile thuasluaite i leith mo chuid fostaíochta:

Sínithe: _____
Cúntóir Riachtanas Speisialta

Dáta: _____

Sínithe: _____
Cathaoirleach, An Bord Bainistíochta

Dáta: _____

AGUISÍN 1

Déantar earcú ar Chúntóirí Riachtanas Speisialta go sonrach chun cuidiú le scoileanna seirbhísí neamh-theagaisc a chur ar fáil do dhaltáí a mbíonn riachtanais oideachais measta acu. Bíonn a gcuid dualgas sannta ag an bPríomhoide a bhíonn ag gníomhú thar ceann an Bhord Bainistíochta. Déantar maoirseacht ar a gcuid oibre ag an bPríomhoide nó ag múinteoir eile de réir mar a chinneann an Príomhoide. Áirítear ar na dualgais sin tascanna de chineál neamh-theagaisc ar nós:

1. Seomraí ranga a ullmhú agus a chóiriú.
2. Cuidiú le páistí scoile dul isteach agus amach ar bhusanna scoile. B'fhéidir go mbeadh gá taisteal mar thionlacan ar bhusanna scoile le linn uaire scoile.
3. Cuidiú speisialta le leanaí a bhfuil deacrachtaí faoi leith acu e.g. cabhrú le daltaí a bhfuil riachtanais speisialta acu maidir le clóscríobh nó ríomhairí nó fearais eile a úsáid.
4. Cuidiú maidir le héadach, beathú, leithreas a úsáid agus sláinteachas ginearálta agus riachtanais sláinte agus sábháilteachta an dalta a bheith ar d'aird.
5. Cuidiú le linn cuairteanna lasmuigh den scoil, siúlóidí, scrúduithe agus imeachtaí eile mar sin.
6. Ag cuidiú leis na múinteoirí maoirseacht a dhéanamh ar dhaltáí le linn tionóla, caitheamh aimsire agus fágála an tseomra ranga ar chúis amháin nó ar chúis eile.
7. Ag tionlacan daoine ar leithligh nó grúpaí beaga a chaitear a thabhairt amach as an seomra ranga ar feadh tamaill ar chúis amháin nó ar chúis eile.
8. Cuidiú ginearálta do na múinteoirí ranga, faoi threoir an Phríomhoide, le dualgais de chineál neamh-theagaisc. (Ní féidir le Cúntóirí Riachtanais Speisialta gníomhú ag aon am mar ionadaithe nó mar mhúinteoirí sealadacha. Ní féidir iad a fhágáil i bhfeighil ranga ná grúpa páistí in aon chúinsí).
9. Rannpháirtíocht le pleanáil fhorbairt scoile, nuair is cuí, agus comhoibriú le haon athruithe ar pholasaithe agus cleachtaí ag teacht ón bpróiseas forbartha scoile.
10. Idirghníomhú le tuismitheoirí daltaí a bhfuil riachtanais speisialta acu i struchtúir fhoirmiúla agus neamhfhoirmiúla mar a theastaíonn ó bhainistíocht na scoile agus mar a thugann siad treoir.
11. Dualgais eile a bhíonn oiriúnach don ghrád mar a éilíonn riachtanais na ndaltaí agus na scoile ó am go ham. Is féidir Cúntóirí Riachtanas Speisialta a chur i mbun oibre eile a bhíonn oiriúnach don ghrád nuair a bhíonn daltaí a bhfuil riachtanais speisialta acu as láthair nó nuair a thagann éilimh phráinneacha oibre faoi leith chun cinn.

AGUISÍN 2 - FORÁLACHA SAOIRE BREOITEACHTA DO CHÚNTÓIRÍ RIACHTANAS SPEISIALTA

1. Ní thugtar aon phá breoiteachta le linn na chéad trí mhí de sheirbhís. Is féidir pá iomlán a íoc ina dhiaidh sin ar neamhláithreacht breoiteachta suas go dtí na teorainneacha a leanas:
 - a) Tar éis trí mhí de sheirbhís leanúnach, pá breoiteachta ag an ráta iomlán ar feadh suas le sé seachtainí in aon tréimhse seirbhíse dhá mhí dhéag ;
 - b) tar éis sé mhí de sheirbhís leanúnach, pá breoiteachta ag an ráta iomlán ar feadh suas le naoi seachtainí in aon tréimhse seirbhíse dhá mhí dhéag;
 - c) tar éis dhá mhí dhéag de sheirbhís leanúnach, pá breoiteachta ag an ráta iomlán ar feadh suas le trí seachtainí déag in aon tréimhse seirbhíse dhá mhí dhéag.
2. Caithfear teastais dochtúra a thabhairt don Bhord Bainistíochta i ngach cás a mbeidh neamhláithreacht leanúnach ann faoin tríú lá den neamhláithreacht ar a dhéanaí. Mar riail ghinearálta, ní thugtar saoire breoiteachta ach amháin ar feadh seachtaine ar a mhéid ar theastas amháin. Má leanann neamhláithreacht breoiteachta ó Aoine go Luan ináirithe, caithfear teastas dochtúra a chur ar fáil.
3. Meabhraítear do Chúntóirí Riachtanas Speisialta atá ar promhadh nuair a bhítear á meas maidir lena gceapacháin a dheimhniú go dtógtar cuntas iomlán ar a sláinte agus ar mhéid agus ar phatrún a neamhláithreachta breoiteachta. Má bhíonn aon cheann de na gnéithe sin nach bhfuil sásúil, ní féidir glacadh leis go bhfuil an Cúntoir Riachtanas Speisialta atá i gceist oiriúnach.
4. Beidh ceadú saoire breoiteachta faoi réir na gcoinníollacha seo a leanas ach go háirithe:
 - a) Go bhfuil neamhláithreacht deimhnithe i gceart;
 - b) Nach bhfuil aon fhianaise ar mhíchumas buan ó thaobh seirbhíse de.
5. Nuair a stopann pá breoiteachta de bharr go bhfuil an uasteorann sroichte aige ní féidir é a thosú arís le linn na neamhláithreachta céanna.
6. Ní áirítear saoire breoiteachta gan íoc mar sheirbhís a cháilíonn i gcomhair tuilleadh saoire breoiteachta íoctha.
7. **Saoire Breoiteachta Neamhdheimhnithe:** Is féidir saoire breoiteachta do neamhláithreacht lae nó dhá lá, nach rachaidh thar seacht lá ar fad in aon tréimhse dhá mhí dhéag, a cheadú gan teastas dochtúra. Mar sin féin, má théann an líon laethanta neamhláithreachta gan teastas dochtúra thar seacht lá san iomlán, ag comhaireamh siar ó dháta na neamhláithreachta deiridh, caithfear aon neamhláithreacht ina dhiaidh sin a dheimhniú nó go mbeidh cothromaíocht ann arís.

Íocfar **tuarastal iomlán** le linn saoire breoiteachta **fad a fheidhmeofar an nós imeachta seo a leanas:**

Má bhíonn Cúntoir Riachtanas Speisialta as láthair ar saoire breoiteachta ar feadh níos mó ná trí lá as a chéile, caithfidh sé/sí foirm i gcomhair Sochar Míchumais (atá ar fáil óna d(h)ochtúir teaghlaigh (GP)) a chomhlánú. Ba chóir í seo a chur ar aghaidh chuig Rannóg Párolla SNA, An Roinn Oideachais agus Eolaíochta, Baile Átha Luain, Co. na hIarmhí, agus cuirfidh siadsan ar aghaidh í chuig an Roinn Gnóthaí Sóisialacha agus Teaghlaigh (DSFA). **Caithfidh an Rannóg Párolla SNA an t-éileamh a chur ar aghaidh le go sroicfidh sé an DSFA laistigh de sheacht lá ó thús na breoiteachta, mar sin tá sé práinneach go gcuirfí an fhoirm éilimh isteach lena chinntiú go leanfaí ag íoc an tuarastail iomláin.**

AGUISÍN 3

Ciorclán SNA 13/05 – Saoire Mháithreachais/Uchtála agus Saoire Athartha do Chúntóirí Riachtanas Speisialta (Tagairt) – (Formáid Comhaid Word163 KB).

Is féidir teacht ar Chiorclán SNA 13/05 ar láithreán gréasáin na Roinne Oideachais agus Eolaíochta ag www.education.ie